

天文象占

第一冊



本封面為重製版本

天文象占

第一冊



本封面為重製版本

導讀

天文象占第一冊

原書不著編者，與國家圖書館藏《御製天文象占》卷十一、十六內容相同，兩書應為同一著作。國圖本有御製序，論撰述原由，云：「朕受天明命為天元子，十有七年於茲矣。鑑諸往古，徵於禍福，其於修德敬天之誠，一率祖宗成憲，而不敢有負於二帝三王之治。蚤夜皇皇，罔敢怠荒，直恐宴安之氣易勝，儆戒之志或愆。爰集占書之要者，類為二十卷，而各說其類略於卷端，題曰《天文象占》。前圖象而後係占。蓋欲游目警心，以益修明明之德，則庶乎災異不作，禎祥可致，而在天赫赫之命，可以永保於無窮云」。據國圖藏本提及南宋嘉定六年（1213），以及本書有「胡兵侵中國」、「夷兵欲欺中國」、「虜入塞」等文字，推測此書應編於南宋末年或明朝。

此書全帙應為二十卷，現存世僅十六卷，其中十三卷藏臺灣國圖，篇目為天發異象門、日旁雜氣說、日旁雲氣說、太陰祥異說、太陰暈說、月旁雜氣說、星總虹蜺說、雲氣出入三垣說、雲氣出入東北宿說、雲氣出入西南宿說、雜星變異說、候氣吉凶說、軍中候氣說。三卷藏中國國家圖書館，未知篇目。傳圖藏本為其中雲氣出入三垣說、軍中候氣說兩卷，兩卷卷端題名下方紙葉均為人割去一塊，應為「卷十一」、「卷十六」等文字，疑書賈所為，欲以殘本充作全本。

〈雲氣出入三垣說〉，首引南宋寧宗、理宗間人張自明的說法：以為五氣有十二種變化，雲氣為其中一種。聚散無常，顏色、形狀不一，位置不定。因其出入於三垣，一百二十二星有對應的一百二十二種占法。其顏色如為黃、黃白者，多代表吉兆。而呈現青、赤、白、黑、紫、蒼色者，多代表凶兆。占卜者可依據雲氣所在位置、顏色、形狀論斷某處某事的吉凶。此篇以雲氣入於紫微宮、北極等星所顯現的顏色、形狀，判斷事端吉凶。先圖後文，圖有四十七幅，為垣或星的位置圖。文以《天文錄》、《天文總占》為主要論斷依據，輔以《乙巳占》、《太微占》、《荊州占》、《樂緯》、《甘氏星經》等書作說明。與明佚名撰《天元玉曆祥異賦》頗多類似，該書論述一百二十四星，兩書有四十星相同，本書之內廚、天廚、天槍、長垣、靈臺、少微、宦者等七星未見於該書，該書論斷文字以《天文錄》、《晉書》為主，未錄《天文總占》。兩書徵引《天文錄》的文字同中有異，如〈雲氣入幸臣占〉，本書「《天文錄》曰：『幸臣，親信之官，常侍太子。赤氣從五帝座入幸臣中，不出六十日近臣謀亂，氣不明者不成，氣明者成』」，該書作「《天文錄》曰：『幸臣者，親愛之官，常常侍太子。青赤氣出五帝座入幸臣中，不出六十日近臣謀君，氣不明者不成，氣明者成』。」

〈軍中候氣說〉，首有弁言：凡用兵制敵，必占其氣，以為進退。氣者，感於人，應於天，福禍之兆。兩軍相當，氣發其間，變化莫測。有猛將、賢將、暴兵、伏兵、降人等氣，發於敵或我。吉在我則我勝，吉在敵則敵勝，兇則反是。用兵者，當根據氣發生的時間及地點，觀察其形狀及顏色，判斷吉凶。吉則進，兇則退，料于心，備于外，則可以百戰百勝，而無敗北之禍。此篇分析四十七種雲氣所代表的意義，猛將氣十四、賢將氣一、暴兵氣十五、伏兵氣九、降人氣八種（內文缺二種），其中賢將氣夾置於猛將氣間。先圖後文，以《隋書》為主要論斷依據，輔以《宋志》、《抱朴子》、《乙巳占》、《天文總占》等書作說明，如〈猛將氣〉第五「《隋書》曰：『凡敵城營之上，有雲氣如火光之

狀，夜照人者，彼敵將勇也，不可攻』。」然常改動所引經典的文字，如《隋書·天文志》「如虎在殺氣中，猛將欲行動亦先發此氣，若無行動亦有暴兵起」，本書〈猛將氣〉第二改作「凡雲氣如虎獸在殺氣中者，主猛將欲動必先發此氣以應之，若無將動亦主暴兵起。」又此篇徵引的文字不少亦見於《天元玉曆祥異賦》，然兩書頗有差異，如本書〈猛將氣〉第八云：「《隋書》曰：『凡城營之上，有氣如張弩向人者，主將猛勇難敵也』。《抱朴子》曰：『猛將之氣如火，大勢如張弩。』」該書篇目作〈將軍氣勢如張弩占〉，且僅錄《抱朴子》文字。

本書用色鮮艷，筆工精緻。據不避諱玄字，以及虜、胡、夷等字眼，〈軍中候氣說〉所繪盔甲及軍旗，知為明寫繪本。近代藏書家韋力曾據本書用紙、抄寫字體和金粉彩繪，判定為明萬曆間（1573－1620）鈔本，存此供作參考。

書中鈐有程百齡「虞山程松谷藏」；「國史館副總裁」、「澹然得書畫自娛」諸印。（曾冠雄）

關於原籍

天文象占第一冊

- 作者：（宋）張自明（編）
- 類型：善本古籍
- 描述：金碧彩繪并朱絲欄精寫本。本書為第一冊。
- 語言：中文
- 內容提供：中央研究院歷史語言研究所傅斯年圖書館

版權聲明

本書籍及（或）其編輯之著作權屬於數位典藏與數位學習國家型科技計畫或其授權人所享有，請遵守著作權法及授權契約，非經授權，請勿任意重製、公開傳輸或為其他利用。

關於電子書 天文象占第一冊

- 出 版 者：數位典藏與數位學習國家型科技計畫
- 類 型：善本古籍
- 發 行 日 期：2011/06/20
- 語 言：中文
- 內 容 提 供：中央研究院歷史語言研究所傅斯年圖書館

版權聲明

本書籍及（或）其編輯之著作權屬於數位典藏與數位學習國家型科技計畫或其授權人所享有，請遵守著作權法及授權契約，非經授權，請勿任意重製、公開傳輸或為其他利用。

11月10日
申侯光編



天文象占

雲氣出入三垣說

張自明曰。五氣之散而變者十有二。其一曰結而爲雲也者。聚散無常。色態非一。其出其入。靡弗有占。如其出入于三垣也。有百二十二座之星。則有百二十二法之占。所主之若吉若凶。各不同。然大率黃者黃。白者吉。色也。青者赤者。白者黑者。紫者蒼者。凶色也。占者隨其所在之舍。辨而別之。曰此某色也。此某形也。其出入之舍。某星也。其所主某事也。其所屬某分野也。色吉者。則斷其爲某處某事吉。色凶者。則斷其爲某處某事凶。此則其占而不驗者。未之有也。



雲氣出入三垣總目

雲氣入紫微宮	雲氣入北極	雲氣入鈎陳
雲氣入天皇大帝	雲氣入四輔	雲氣入五帝內座
雲氣入天柱	雲氣入御女	雲氣入柱史
雲氣入女史	雲氣入尚書	雲氣入大理
雲氣入陰德	雲氣入天牀	雲氣入六甲
雲氣入華蓋	雲氣入傳舍	雲氣入天乙
雲氣入太乙	雲氣入北斗	雲氣入輔星
雲氣入相星	雲氣入太陽	雲氣入文昌
雲氣入內厨	雲氣入天牢	雲氣入八穀
雲氣入天厨	雲氣入天棓	雲氣入天槍
雲氣入玄戈	雲氣入天理	雲氣入勢星



雲氣入太微垣

雲氣入左右掖門

雲氣入五帝座

雲氣入太子

雲氣入幸臣

雲氣入三台

雲氣入即位

雲氣入長垣

雲氣入靈臺

雲氣入少微


雲氣入天市垣

雲氣入宦者

雲氣入女牀

雲氣入貫索





雲氣入紫微宮

天文總占曰

雲氣狀如鷄雛出紫微宮中此子孫之氣也天子有子孫之
喜黃白雲氣入紫微宮連極星宮中有立侯王黃白雲
氣潤澤狀如刀劍入紫微宮中御女星上天子有男子喜狀
如蓂生女子喜黃白雲氣正圓如杯碗入紫微宮中有立
侯王一曰天子得璧玉喜一曰有進美女者幸臣爲之一曰
幸臣進美女食黃白雲氣如旗有光起紫微宮上天子有
大喜延年益壽黃白雲氣狀類走獸飛鳥或如龍鳳出入
紫微宮天子有喜黃白雲氣如獸出紫微宮天子以畜賜
諸侯王者若自外入之則有貢奇獸者赤黃雲氣入紫微
宮有立王者赤黃雲氣出紫微宮東西藩天子用錢賜侯

王一日兵起 赤黃雲氣潤澤入紫微宮天子得寶劔 赤
黃雲氣如幕出紫微宮中天子以金錢賜妃妾 赤雲氣出
紫微宮中兵大起 赤雲氣入紫微宮或指之外兵入天子
庭乙巳占曰內亂有立王者 蒼白雲氣入紫微宮中有大
憂出之禍除 蒼白雲氣如走獸入紫微宮有反者若入犯
諸座天子惡之 赤黑雲氣若蒼白黃赤雜雲氣狀如蛇如
蛟如龍在紫微庭中宮闕上者必有白衣之會若徘徊周遭
環繞紫微宮而入之則為臣殺主此姦臣亂賊之氣也
太微占同此占也

白雲氣出紫微宮有喪 黑雲氣入紫微宮宮中有疾病死
喪入紫微兩藩兵大起 紫雲氣入紫微宮中天下亂
虹入紫微宮所起之野有叛逆兵起

荊州占曰

有雲如鷄雛出此子孫之氣赤黃雲氣潤澤入天子有劔喜

白雲氣如杯椀入有璧玉喜黃白雲氣如旗起人主壽

白雲氣出有喪黑雲氣入兵起


漢和帝永元十六年四月丁未紫微宮中生氣如粉絮後年帝

崩

晉懷帝永嘉三年正月庚子熒惑犯紫微占曰當有野死之主

又爲火燒宮是時太史令高堂衝奏乘輿宜遷幸不然必無

洛陽五年六月劉曜王彌入京師焚官廟執帝歸平陽




雲氣入北極占

天文錄曰

北極北辰最尊也其細星天柱也黃白雲氣入兵起黑雲氣入大人憂黃白雲氣類走獸飛鳥入為神氣有喜也

天文總占曰

蒼白雲氣入北極中天子有憂疾出北極則禍除黃白雲氣入北極外方入貢出則天子有賜于諸侯黑雲氣入北極天子憂赤雲氣入天樞天下兵起出北極宮中有兵黃雲氣出太子座不出六十日太子即位



雲氣入天皇大帝占


天文錄曰

天皇大帝其神曰耀魄寶主御郡靈黃白雲氣入天子有喜
出則改立王者

天文總占曰

黃白雲氣入鈎陳覆大帝光明潤澤天子有喜

黃白雲氣出大帝座改立王者 白雲氣如粉絮出入鈎陳
大帝座天子憂之




雲氣入四輔占

天文錄曰

四輔輔臣也黃白雲氣入相有喜 黑雲氣入有病疫
天文總占曰

黃白雲氣潤澤入四輔輔相之臣有喜 赤雲氣入四輔輔
相者憂兵 白雲氣入四輔相失位或疾病






雲氣入五帝內座占

天文錄曰

五帝內座在華蓋下黃雲氣入君有喜當主宗廟期不出六十日太子即位也

天文總占曰

蒼白雲氣入帝座天子有喪事 黃雲氣入帝座人主立廟
赤雲氣出帝座臣謀君入之防姦人 黑雲氣入帝座人主
憂病 青雲氣出帝座而徑出南門者人主失其宮
黃白雲氣狀如盂椀正圓入紫微宮帝座有獻璧者



雲氣入天柱占


天文錄曰

天柱主建政教赤黃雲氣入天柱天子喜封廟陵事氣出天下喜三公受爵 黑雲氣入將相死

天文總占曰

赤黃雲氣入天柱天子喜有封陵廟之事出天柱三公賜爵天下受賜 黑雲氣入三公災一曰相死





雲氣入御女占

天文錄曰

御女八十一御妻之象也黃白雲入有子孫喜黃雲氣入

后妃受賜蒼白雲氣入後宮多病

天文總占曰

黑雲氣入後宮有喪赤雲氣入內人有誅死者



雲氣入柱史占


天文錄曰

柱史古者有左右史記事此之象也黃雲氣入君賜爵祿
蒼白雲入左右史死黃白雲氣入左右史遷職

天文總占曰

黃雲氣入柱史左右史有賜爵之喜蒼白雲氣入柱史左
右史死黃白雲氣入柱史左右史有超遷






雲氣入女史占

天文錄曰

女史爲婦人之微者主傳漏黃白雲氣入侍史有喜慶






雲氣入尚書占

天文錄曰

尚書主咨謀出納之事有黃雲氣入八座官受賜 黑雲氣入掌刑法尚書坐罪

天文總占曰

黃雲氣入尚書八座官受賜 赤黃氣入尚書八座官有受土地出鎮者 黑雲氣入尚書掌刑法者坐罪期百八十日



雲氣入大理占

天文錄曰


大理主刑獄黃白雲氣入有赦刑罰之官受遷
黑雲氣入

決獄不平刑法官受黜

天文總占曰

黃雲氣入大理刑法官有遷
黑雲氣入大理
決獄不平刑法官受誅






雲氣入陰德占

天文錄曰

陰德主周給賑撫黃雲氣入陰德天子有喜
黃白雲氣入陰德諸侯受賜 青黑雲氣出入陰德天子憂





雲氣入六甲占


天文錄曰

六甲主分陰陽紀時節黃雲氣入術事興 黃白雲氣入太史官受賜

天文總占曰

黃雲氣入六甲術士用 黃白雲氣入六甲太史受爵賜
黑雲氣入太史憂





雲氣入傳舍占

天文錄曰

傳舍主賓客館舍黑雲氣入胡兵侵中國

天文總占曰

黑雲氣入傳舍胡兵起侵中國





Asiatic Museum
Institute of History & Philosophy
Kazakhstan State University
Almaty, Kazakhstan

雲氣入天乙占

天文錄曰

天乙主戰鬪之吉凶黃雲氣入君臣和萬物成朝多賢士天下太平黑雲氣入宰相黜


天文總占曰

黃雲氣潤澤出入天乙君臣和天下平

黑雲氣入天乙宰相黜職赤雲氣入天乙則兵徧野

白雲氣入天乙則王有災





雲氣入太乙占


天文錄曰

太乙主風雨水旱兵饑黃白雲氣入百官受賜 赤雲氣入
兵革遍野 蒼白雲氣入民多疾疫

天文總占曰

黃白雲氣出入太乙百官受賜 赤雲氣出入太乙大旱
黑雲氣大水 赤雲氣兵起 蒼白雲氣大疫死喪





Academia Sinica
Institute of History & Philosophy
Library

雲氣入北斗占

天文錄曰

北斗七政之樞機也有彩雲氣入北斗天子立太子近則百日遠則二年赤雲氣覆之兵起黃雲氣入君喜黑雲氣入民憂赤雲氣入宮廟火災黑雲氣入如禽獸狀虜入塞

天文總占曰

青雲氣歷北斗七星縱行天子出令違四時橫行則天子出令順四時青雲氣掩斗明日雨青雲氣加北斗法星有大水狀若刀劒牛馬大損青雲氣在伐星下有兵國有憂期五月青雲氣長竟天其末有星加伐星天下有大水大獄青雲氣歷北斗大雨即至赤雲氣覆北斗上兵起氣

多兵大氣少兵小 赤氣入北斗大赤兵起宮廟防火災
赤氣出北斗魁前兵起 赤雲氣入北斗魁中將相有受戮
者亦爲兵起 赤雲氣出北斗魁中兵出 赤雲氣入北斗
環繞之或出入北斗還鉤陳皆爲有大兵大戰流血主人將
死客軍勝 赤雲氣若霧掩北斗明日大熱殺人 赤雲氣
加法星或入之皆有兵二年乃止 黃雲氣出北斗魁中天
子出德令 黃雲氣歷北斗七星縱行則君民皆有喜橫行
則天子獨有喜 黃雲霧蔽北斗明日雨 黃雲氣加正星
有兵不發有土工期一年至三年 黃雲氣加法星八日君
疾 黃雲氣加令星有拜將氣再三至有軍相對和解 白
雲氣壓北斗不過三日有雨 白雲氣如匹練橫入北斗兵
起大戰 白雲氣入北斗魁中幸臣有繫獄者出之禍除

白雲氣濛濛然有光自地起接連北斗大風即至 白雲氣如車轉移入北斗下有流血大將死 白雲氣加正星三日不雨有大兵兼白衣之會一曰有土工期三月遠七月 白雲氣加法星有軍在外則戰無軍則疾 白雲氣加令星更法令糴貴菽粟蔴鹽價五倍 白雲氣加殺星有兵期一月遠一年 黑雲氣集北斗傍大如皮席狀如禽獸不出三日必雨不雨則胡兵入塞 黑雲氣入北斗如烏鳥如龍蛇變化為疾病人死亡不宜乳婦夷兵欲欺中國宜察讒言防姦宄 黑雲氣歷北斗七星縱行則天子有憂橫行則人民有憂 黑雲氣加正星有軍不戰 黑雲氣加法星間不出一年有赦不出三年大水 黑雲氣集伐星下伐星色亦有兵事 黑雲氣加殺星有暴兵半歲罷 黑雲氣入斗魁中貴


人獄死 黃白雲入北斗有使從外來一曰黃白雲氣入北
斗魁中天子左右囚者蒙德令 黃白雲氣出北斗天子遣
使于諸侯 黃白雲氣加法星有土功大暴貴 黃白雲氣
橫北斗上下或出入北斗皆爲國有喜 青黑雲氣加北斗
正星有水災一曰將軍死軍中有橫水有移國更名者一曰
期一月有兵三歲或五歲而罷 青黑雲氣入北斗魁中貴
臣死獄中出則禍除 蒼白雲氣入北斗多大風 入北斗
魁中貴人下獄一曰大臣謀叛 青白雲氣加伐星伐星色
赤有兵期三月四月遠一年 赤雲氣加殺星上天下變更
將相死不則有赦五穀貴期三月 白雲氣加殺星將相反
大人疾鹽馬牛貴繒綺賤期一百二十日 殺星色黑有赤
雲氣加之有兵憂 雲氣加危星色青有憂黑有水憂黃有

土功 雲氣出應星中有移民色亦有兵爭地 天晴無雲
而北斗上下獨有雲後五日內必大雨 天子不明則恒有
雲氣覆斗虹蜺干斗主泣血強國兵起

漢靈帝熹平二年八月白雲氣如一匹練衝北斗第四星占曰
白氣衝北斗爲大戰明年冬楊州刺史臧旻等攻盜賊斬首
數千級

宋咸平三年十月辛亥黑氣貫北斗占曰兵起人疫





雲氣入輔星

天文總曰

黃白氣入輔星相有喜
赤氣入輔星相受斧越之誅
蒼白氣入輔星相有憂
白氣入輔星相出
黑氣入輔星相死





雲氣入相星占


天文錄曰

相星總領百司而掌邦教黃白氣入諸侯有喜

天文總占曰

黃白氣入天相將相有喜 黑氣入天相將相憂死





大陽守

中
大陽守
所
Institute of History & Philology
Academia Sinica
Taipei, Taiwan

雲氣入太陽守占

天文錄曰

太陽守大將大臣之象黃氣入大臣受賜 蒼白氣入將軍
戰死赤氣入宰相憂

天文總占曰

黃氣入太陽守大臣受賜三公有喜





University of Toronto
Library of History & Philosophy
Special Collections
100 St. George Street, 3rd Floor
Toronto, Ontario M5S 1A5
Canada
Tel: (416) 978-2811
Fax: (416) 978-2812
www.library.utoronto.ca

雲氣入文昌占

天文錄曰

文昌天之六府也黃氣入三公受賜 蒼白氣入將相憂
赤黑氣入三公黜

天文總占曰

黃白氣入文昌三公受賜一曰文章之士進用

赤黃氣入文昌將相有黜者 蒼白氣入文昌將相有憂

黑氣入文昌三公死或廢黜 赤氣入文昌術士有謀反舉
兵者



University of Toronto
Library of History & Philosophy
East Asian Studies
100 St George Street, 3rd Floor
Toronto, Ontario M5S 1A5
Canada
Tel: (416) 978-2811
Fax: (416) 978-2812
www.library.utoronto.ca

雲氣入內厨占

天文錄曰

內厨主宮中飲食之事青黑氣入天子防飲食中有毒

天文總占曰

黑氣入內厨飲食防毒



雲氣入天牢占

天文錄曰

天牢主貴人之牢黑氣大圍長三四尺入貴人親屬有憂
黃白氣入天牢大赦天下

天文總占曰

赤氣入天牢有反獄者一曰獄中火起 黑氣入天牢三公
將相受誅貴人有憂 白氣大圍長二三丈出其中天下不
安五穀貴親屬有誅



雲氣入天厨占

天文總占曰

黑氣入天厨飲食中防有置毒者
白氣入天厨則凶饑甚
赤氣歷之王者慎飲食



雲氣入天棊占

天文錄曰

天棊主分爭與刑罰蒼白氣入天棊兵起將死 黃白氣入
先驅官拜賜 黑氣入天棊大人憂

天文總占曰

蒼白氣入天棊國有大喪出之則禍除一曰先驅官拜賜
黑氣入天棊大人憂 赤氣出天棊兵大起將軍戮死
赤氣入天棊大人憂 黃氣入天棊主天子有喜



雲氣入天槍占

天文錄曰

天槍主禦難赤雲氣入禦官失位 蒼白氣入兵起

天文總占曰

赤雲氣入天槍天子驚一曰失位





雲氣入玄戈占

天文總占曰

黑氣入玄戈胡兵起
蒼白氣入玄戈胡人大疫死
赤氣出玄戈胡兵大起





雲氣入天理占

天文錄曰

天理執法之官赤氣入中兵起將相行兵

天文總占曰

赤氣入天理兵大起將相出師 黑氣入天理貴人下獄





雲氣入勢星占

天文錄曰

勢星爲內常侍官主助宣王命 黃氣入四勢中官受賜
赤氣出入中官反 黑氣入中官憂





雲氣入太微垣占

天文錄曰

太微垣三元之廷黃白氣入爲有人主益壽 黃氣如帚入有婦人喜 赤黃氣入天子有得劔喜 赤黃氣如獸天子賜諸侯有璧玉喜 若青黑赤氣入皆爲憂

天文總占曰

蒼白氣抵帝座天子有喪事抵帝座傍有反臣蒼白氣出五帝座經出南門者不出九十日人主失其宮天下不安 赤氣如劔指帝座天子有兵驚 赤氣狀如帚指帝座天子有婦女兵驚 赤氣出五帝座經出南門不出九十日天子失其宮 赤氣出五帝座六十日近臣有欲謀君者氣不明不成明而成形天下大亂

赤氣及蒼白氣出幸臣中掩帝座近臣謀逆事成

赤氣出太微中直指帝座內亂兵起氣自外入指帝座防外兵入 黑氣抵五帝座左右諸侯有死者

赤黃氣出五帝座天子遣使于諸侯

黑氣抵五帝座留止不去大人憂 黃氣出太子座上入五

帝座不出六十日太子即位 黃白氣正圓如杯椀抵五帝

座左右諸侯有喜 黃白氣潤澤狀如刀劒抵帝座傍天子

有男喜 赤黑氣如龍如蛟如蛇入帝座有白衣之會

赤黃氣如箕箒出垣外人主以錢帛賜諸侯王


赤黃氣入垣中人主以錢物賜諸侯王

黃白氣入垣中有立王者

黃白氣出本垣上如旗有光人主壽昌之應

白黑氣如蛟如蛇之狀繞大微帝座而入者爲臣謀弑主其
氣上赤下白大如井口從外入壓帝座爲邪臣之氣傍白而
中赤者近臣欲爲逆赤白而正者爲貴臣之氣 白黑氣如
馬形居垣中主姦臣在內通外謀





雲氣入左右掖門占


天文錄曰

左掖門在端門西若左右掖門有黃氣入天子喜
蒼白氣出有喪事 青氣入兵起 黑氣入有憂

天文總占曰

黃白氣出東西掖門人主出德令 蒼白氣入左右掖門主
內兵起






雲氣入五帝座占

天文錄曰

五帝座在太微中黃氣入天子有子孫之喜 青氣入五帝座近臣有謀 蒼白氣入五帝座主有喪事

天文總占曰

赤氣如劒指帝座天子有兵驚 黑氣抵五帝座左右諸侯有死喪



雲氣入太子占

天文錄曰

太子帝之儲也

黃氣入太子喜

黑氣入太子憂也





虎

寺


中華書局
歷史研究所
Institute of History & Philology
Academia Sinica, Taiwan

雲氣入幸臣占

天文錄曰

幸臣親信之官常侍太子赤氣從五帝座入幸臣中不出六十日近臣謀亂氣不明者不成氣明者成





雲氣入三台占

天文錄曰

三台在人曰三公黃氣入將相有喜 黑氣入三公憂

蒼白氣入三公黜 青黑氣入三台天子三公俱憂

甘氏曰色黃澤主謀德 色赤主謀兵 色黑有憂 色白有

喪 色青疾病

天文總占曰

黃白氣潤澤入三台君喜民安 黃氣入將相喜 赤氣入

將相多敗傷臣有謀君臣俱驚 黑氣入將相憂 蒼白氣

入三台民多死喪出三台則禍除 有蓬雲黃白色不過三

尺於三台之陽布衣有暴貴者



雲氣入即位占

天文錄曰

哀鳴即位也黃氣潤澤入中郎受賜黑氣入中郎多死爲亂
赤氣入中兵起

天文總占曰

蒼白氣入即位中兵起一曰中郎有內亂者出即位則禍除
赤氣入即位中兵起出即位中多用兵遠出黃白氣入郎
位潤澤中郎官受賜黑氣入即位中郎多以罪死者



雲氣入長垣占

天文總占曰

蒼白氣入長垣胡兵起
赤氣出長垣邊兵起

赤氣入長垣胡兵入亦爲火災





所
史
學
研
究
所
Institute of History & Philosophy
Academia Sinica, Taiwan

雲氣入靈臺占

天文總占曰

青黑氣入靈臺有大風雨期三日遠七日中
黃氣入靈臺太史喜 赤白氣入靈臺太史有憂






雲氣入少微占

天文錄曰

少微士大夫之位一曰處士蒼白氣入賢士憂大官出
天文總占曰

蒼白氣入少微賢士憂一曰大臣黜
赤氣入少微宰臣謀叛





雲氣入天市垣占

天文錄曰

天市垣天子之市天下之所會也 黃白氣如繪帛常集天
市中有神奇物入天子喜 黃氣入萬物賤 蒼黑氣入天
市萬物貴 赤氣入天市中火災

天文總占曰

蒼白氣入天市市中疾疫市吏遇賊出則禍除亦爲萬物賤
赤氣入天市兵器貴一曰斧鉞用如波揚市有火憂 赤氣
出天市兵出弓弩大貴 黃白氣長如二三丈繒恒集天市
中有神奇物出天子喜 黃白氣入天市有奇物自外入出
之市中奇物出 黃白氣入天市壤畱夫死 赤氣入天市
市有火憂



雲氣入宦者占

天文總占曰

黃氣入宦者受賜
赤氣入宦者誅
黑氣入宦者死
赤氣出宦者作姦蔽主





雲氣入貫索占

天文錄曰

貫索賤人之牢也蒼白氣入貫索天子亡地 赤氣入貫索
兵起 黑氣入貫索獄中多枉死者 黃氣入貫索天子喜

天文總占曰

蒼白氣入貫索天子憂亡地出之禍除 赤氣入貫索有內
亂兵起 赤氣出貫索內兵出 黃白氣入貫索天子有喜
又曰諸侯有以地賂天子者出貫索天子以地予諸侯 黑
氣入貫索大人惡之 赤白氣入貫索獄中多枉死者

185568



